

国家社科基金重点项目
中国经学学术编年（第七卷）

主编 郑杰文

甄洪永 孔德凌 著

明代经学学术编年

中

凤凰出版社

国家社科基金重点项目
中国经学学术编年（第七卷）

主编 郑杰文

甄洪永 孔德凌 著

明代经学学术编年

④

 凤凰出版社



本成果为国家社科基金重点项目“中国儒学学科建设”（批号09AZD051）
最终成果之一

本成果为山东大学“985”二期工程资助项目成果之一

明代中期经学学术编年

景泰元年 庚午(1450)

○刘定之请明代宗留意经学

【文献】

《明史》卷一百七十六《刘定之传》(P4691—4696):“刘定之,字主静,永新人。幼有异禀。父授之书,日诵数千言。不令作文,一日偶见所为《祀灶文》,大异之。举正统元年会试第一,殿试及第,授编修。……景帝即位,复上言十事,曰:……人主之德,欲其明如日月以察直枉,仁如天地以覆群生,勇如雷霆以收威柄。故司马光之告君,以仁明武为言,即《中庸》所谓知仁勇也。知仁勇非学而能之哉?夫经莫要于《尚书》、《春秋》,史莫正于《通鉴纲目》。陛下留心垂览。其于君也,既知禹、汤、文、武之所以兴,又知桀、纣、幽、厉之所以替,而趋避审矣。……成化二年十二月以本官入直文渊阁,进工部右侍郎,兼翰林学士。……五年卒官。赠礼部尚书,谥文安。”

○周洪谟劝帝亲经筵

【文献】

《明史》卷一百八十四《周洪谟传》(P4873):“景泰元年疏劝帝亲经筵,勤听政,因陈时务十二事。”

○诏会试取士毋拘额

【文献】

《明史》卷十一《景帝本纪》(P143):“(景泰元年春正月)闰月甲寅,瓦剌寇宁夏。癸亥,诏会试取士毋拘额。”

○倪谦讲《诗》、吕原讲《书》

【文献】

《明史》卷一百七十六《吕原传》(P4678):“景泰初,进侍讲,与同官倪谦授小内侍书于文华殿东庑。帝至,命谦讲《国风》,原讲《尧典》,皆称旨。问何官,并以中允兼侍讲对。帝曰:‘品同耳,何相兼为?’进二人侍讲学士,兼中允。寻进左春坊大学士。”

○李时勉卒

【文献】

《明英宗实录》卷一百九十一(P3954—3955):“(景泰元年夏四月甲申)国子监祭酒致仕李时勉卒。时勉,名懋,以字行,江西福县人。五岁即知务学,七岁小学、《四书》皆能成诵。甫成童,言动以圣贤自励。尝曰:‘颜子过不贰,怒不迁,曾子日三省,吾愿学焉。’闻者奇之。既长大,肆力于学,夜以达旦。隆冬无火,以重裘裹足纳桶中,其刻苦如此。登永乐甲申进士,选为翰林院庶吉士。……时勉刚毅正直,表里一致,孝友仁慈,本于天性。父有疾,躬视汤药,不离侧。恤孤救难,无间亲疏。少师杨士奇尝称时勉:‘文学老成,操行修洁。节仪足以表俗,刚正足以任事,量足以荣物,而志则不可夺。’人以为确论。然不及大用,士林惜之。”

【考论】

李时勉(1374—1450),名懋,安福人。永乐二年进士,选为庶吉士,进学文渊阁。历任刑部主事、翰林侍读,修《太祖实录》。性格刚正耿直,多建议,“慨然以天下为己任”。言不当都北京,违成祖意,下狱,被释后复职。洪熙时复上疏言事,几被金瓜致死。宣德五年修《成祖实录》,升侍读学士。正统三年修《宣宗实录》,升学士,掌院事兼经筵讲官。六年任祭酒,督令读书,人才大盛。景泰元年卒,谥“文毅”。

○于谦用《春秋》之义上奏马顺之罪

【文献】

《明史》卷一百七十七《王竑传》(P4706—4707):“景泰元年四月,浙江镇守中官李德上言:‘马顺等有罪,当请命行诛,诸臣乃敢擅杀。非有内官拥护,危矣。是皆犯阙贼臣,不宜用。’章下廷议。于谦等奏曰:‘上皇蒙尘,祸由贼振,顺等实振腹心。陛下监国,群臣共请行戮,而顺犹敢呵叱。是以在廷文武及宿卫军士忠愤激发,不暇顾忌,捶死三人。此正《春秋》诛乱贼之大义也。向使乘舆播迁,奸党犹在,国之安危殆未可知。臣等以为不足问。’帝曰:‘诛乱臣,所以安众志。廷臣忠义,朕已知之,卿等勿以德言介意。’”

○罗澄进言请明代宗留心经学

【文献】

《明英宗实录》卷一百九十五(P4127—4128):“(景泰元年八月丁亥)监察御史罗澄言三事。其一曰圣学。程颢谓人主之学惟当务为急。盖当务之急,大义是已。如《大学衍义》一书,上自《六经》子史,下暨历代传记,嘉言善行、国家兴亡、治乱之迹、人事得失、善恶之鉴,靡不具载。太祖高皇帝尝命臣书之两庑间,日常省观,伏愿皇上命儒臣日进讲一二章,则足以裨益圣学。”

○刘敦中举,著有《尚书句解》

【文献】

《千顷堂书目》卷一(P20):“刘敦《尚书句解》。字于学,安城人。景泰庚午举人,南京翰林院孔目。”《经义考》卷八十八(P481):“刘氏敦《尚书句解》,未见。杨廉状曰:‘公讳敦,字于学,吉安人。领景泰庚午乡荐,司训武昌,调武进,升南京翰林院孔目。’”

【考论】

元朱祖义亦撰有《尚书句解》。

○李果中举,著有《大学明解》、《四书音考》

【文献】

《千顷堂书目》卷二(P43):“李果《大学明解》。成安人,景泰庚午举人,济南府知府。”《经义考》卷二百五十六(P1291):“李氏果《四书音考》,未见。”

○段坚请罢天下佛老宫

【文献】

《明史》卷二百八十一《段坚传》(P7209):“段坚,字可大,兰州人。早岁受书,即有志圣贤。举于乡,入国子监。景泰元年上书,请悉征还四方监军,罢天下佛老宫。疏奏不行。”

【相关论著举目】

朱岚、王维平:《段坚理学思想论析》,《兰州学刊》,1991年第4期

○黄仲昭有志正学

【文献】

《明史》卷一百七十九《黄仲昭传》(P4753):“黄仲昭,名潜,以字行,莆田人。祖寿生,翰林检讨,有学行。父嘉,束鹿知县,以善政闻。仲昭性端谨,年十五六即有志正学。”

○刘翔请改雅乐之阙失

【文献】

《明史》卷六十一《乐志》(P1508):“景泰元年,助教刘翔上书指其

失。请敕儒臣推演道德教化之意，君臣相与之乐，作为诗章，协以律吕，如古《灵台》、《辟雍》、《清庙》、《湛露》之音，以振励风教，备一代盛典。时以袭用既久，卒莫能改。”《江西通志》卷七十四（《四库全书》第515册 P546—547）：“刘翔，字虚谷，清江人。宣德乡贡，衡山县儒学教谕，迁国子学录。景泰初，上《中兴诗》及神禹成功、洪范九畴、二雅，请立宗庙以准古七庙制。事下礼部，宪皇登极，再疏宜建七庙，各具乐章郊祀，视学庆成皆当作雅乐，革元旧制。上召至文渊阁，命与大学士李贤议。翔曰：‘礼乐百年可兴，兹其时矣。’事竟寝，成化间致仕。”事又见《钦定续文献通考》卷一百四。《千顷堂书目》卷一（P27）：“刘翔《诗口义》。清江人，宣德己酉举人，翰林院检讨。又有《礼记说》。”《千顷堂书目》卷二（P61）：“刘翔《春秋口义》。”《经义考》卷一百十二（P598）：“刘氏翔《诗口义》，未见。”

景泰二年 辛未(1451)

○明代宗幸太学，释奠于先师孔子

【文献】

《明史》卷十一（P144）：“二年……二月辛未，释奠于先师孔子。”《明通鉴》卷二十五（P1028）：“二月，辛未，幸太学，释奠于先师。……礼成，上至彝伦堂，升坐，祭酒萧铉讲《尚书天聪明章》，词旨敷畅，上甚嘉之。”

○衍圣公来京

【文献】

《明通鉴》卷二十五（P1028）：“二月辛未，幸太学，释奠于先师。时衍圣公孔颜缙率子孙来京师，至国子监听讲，上嘉之。自后幸学，必先期召衍圣公，著为令。”

○沈琰中进士，著有《四书口义》

【文献】

《经义考》卷二百五十六(P1291):“沈氏琰《四书口义》，未见。
《平湖县志》:‘沈琰，字公贵，景泰辛未进士，任御史。’”

○白良辅中进士，著有《律吕新书释义》、《中庸肤见》

【文献】

《千顷堂书目》卷十一(P299):“白良辅《太极解》。字尧佐，洛阳人，景泰二年进士，太仆寺少卿，从业薛瑄。”《千顷堂书目》卷二(P42):“白良辅《中庸肤见》一卷。”《山西通志》卷一百四十八(《四库全书》第547册P203):“白良辅，洛阳人，从薛瑄学。或问瑄:‘闫禹锡、白良辅二人何如?’瑄曰:‘洛阳似此二人也难得。’良辅赞瑄曰:‘太极之实不过仁义中正而已，欲知先生当观之于太极可也。’”《河南通志》卷六十一(《四库全书》第538册P15):“白良辅，字尧佐，洛阳人。自幼喜读性理诸书。初请业于河东薛瑄，瑄未许。良辅乃以十脔为贄，跼于门，日昃不返。瑄以其诚，延置弟子列。居岁余，尽得其所学。登景泰辛未进士，拜监察御史。按治山西、陕西俱有声，历官太仆寺卿。天顺中卒于家，所著有《太极解》、《律吕新书释义》、《中庸肤见》若干卷。”

○张业中进士，著有《书经节传》、《礼记节疏》

【文献】

《江西通志》卷七十八(《四库全书》第515册P676):“张业，安福人，景泰进士。由庶吉士授检讨，预修《英庙实录》、《一统志》。岁旱，奉命祀中岳海渚，应期雨降。升司业，凡八年，坐洼误落职，士论惜之。业所著有《书经节传》、《礼记节疏》。”《明一统志》卷五十六(《四

库全书》第473册P154):“张业,安福人,景泰进士。由翰林庶吉士检讨,升国子司业凡八年。坐注误落职,士论惜之,平生诚笃,力学不倦,为文温雅。所著有《书经节传》、《礼记节疏》。”《经义考》卷八十八(P481):“张氏业《书经节传》,未见。”《经义考》卷一百四十四(P755):“张氏业《礼记节疏》,未见。”

○李贤构浣斋以洗心

【文献】

《浣斋记》(《古穰集》,《四库全书》第1244册P519—520):“景泰辛未秋,予构小室于客厅西,扁曰浣斋。客有过者,顾之曰:‘子以浣名斋,恶乎浣?将浣其衣乎,抑浣其身乎?’予应之曰:‘非也,欲浣其心耳。’客惑焉,曰:‘身有垢,浣之以水,心何浣乎?’予曰:‘子徒知浣身之垢以水,而不知浣心之垢以学。……若夫克己复礼,颜子之浣心也;寡欲养心,孟子之浣心也;制外安内,程子之浣心也。呜呼!《六经》、《四书》圣贤之言,无非浣心之具也。学者徒玩是具,不知用力于浣心,所以灵贵之弃者不可复得,昏贱之就者不可复除。吾为此惧而加省焉,扁其室所以示不忘也。’客敛衽谢曰:‘吾今而后而知心之垢浣之方矣,愿拭目以候子心学之成。’是为记。”

【考论】

李贤以为经学乃洗心之学,全靠自省,以为“克己复礼,颜子之浣心也;寡欲养心,孟子之浣心也;制外安内,程子之浣心”,故以浣斋来命名所构斋。由此可见理学在明代之深入人心,对士子影响之巨。

○张吉出生

【文献】

《明儒学案》卷四十六《诸儒学案上四》(下册P391):“张吉,字克

修，别号古城，江西余干人。成化辛丑进士。授工部主事。以劾左道李孜省、妖僧继晓，谪判景东。以《诗》、《书》变其俗，土官陶氏遣子从学，即能以礼自处。历肇庆同知、梧州知府，转广西按察副使。备兵府江，搜贼勦平之。正德初，进正使，转布政使，历山东、广西。忤逆瑾，降两浙盐运使。瑾诛，更河南、广西参政，至贵州左布政使。以疾归，十三年九月卒，年六十八。”《明史》卷九十八《艺文志》(P2426)：“张吉《陆学订疑》二卷。”

【考论】

张吉(1451—1518)，字克修，号翼斋，亦号默庵，一号怡窝，晚号古城，江西余干人。成化十七年进士，官至贵州左布政使。以疾辞归，断绝人事往来，穷诸经典。著有《陆学订疑》。正德十三年卒，年六十八，逆推生于是年。

○章懋受《易》于宗政凌氏

【文献】

《枫山章文懿公年谱》(《北京图书馆藏珍本年谱丛刊》第41册P95)：“受《易》于宗政凌氏。”

【相关论著举目】

麦仲贵：《明清儒学家著述生卒年表》，台湾学生书局，1977年

景泰三年 壬申(1452)

○刘禄世袭《五经》博士

【文献】

《明史》卷一百二十八《刘基传》(P3782)：“初，基爵止及身，至是帝追念基功，又悯基父子皆为惟庸所厄，命增其禄，予世袭。明年坐

事贬秩归里。洪武末，坐事戍甘肃，寻赦还。建文帝及成祖皆欲用之，以奉亲守墓力辞。永乐间卒，子法停袭。景泰三年命录基后，授法曾孙禄世袭《五经》博士。”

○李承箕出生

【文献】

《明儒学案》卷五《白沙学案上》(上册 P98—99):“李承箕，字世卿，号大匡，楚之嘉鱼人。成化丙午举人。其文出入经史，跌宕纵横。闻白沙之学而慕之，弘治戊申，入南海而师焉。白沙与之登临弔古，赋诗染翰，投壶饮酒，凡天地间耳目所闻见，古今上下载籍所存，无所不语。所未语者，此心通塞往来之机，生生化化之妙，欲先生深思而自得之，不可以见闻承当也。……乙丑二月卒，年五十四。”

【考论】

弘治十八年，李承箕卒，年五十四岁，逆推生于是年。

○衍圣公孔彦缙来朝

【文献】

《皇明盛事述》卷三(《中华野史》明朝卷二 P2221):“景泰三年，赐三台、银印、玉带、麒麟服。”

○颜希惠、孟希文为翰林院《五经》博士

【文献】

《明史》卷十一《景帝本纪》(P145):“三年……五月……乙巳，官颜、孟二氏子孙各一人。”《明通鉴》卷二十六(P1043):“(五月)乙巳，授颜希惠、孟希文并翰林院《五经》博士，子孙世袭。先是，命礼部取颜、孟子孙长而贤者各一人至京师，至是召见，皆官之。未几，以

希惠非适子，乃改官其兄子议。”《明史》卷二百八十四《颜希惠传》(P7300)：“颜希惠，复圣五十九代孙也。洪武初，以颜子五十七代孙池为宣德府学教授。十五年改三氏学教授，以奉祀事。池，字德裕。子拳，字克膺。拳子希仁，字士元。景泰三年诏以颜、孟子孙长而贤者各一人，至京官之。其年，希仁为巡按御史顾璘所劾。诏黜希仁，召希惠以为翰林院《五经》博士。”《明史》卷二百八十四《孟希文传》(P7302)：“孟希文，字士焕，亚圣五十六代孙也。洪武元年诏以孟子五十四代孙思谅奉祀，世复其家。思谅，字友道，子克仁，字信夫。克仁子希文。景泰三年授希文翰林院《五经》博士，子孙世袭。”

景泰四年 癸酉(1453)

○娄谅举于乡

【文献】

《明儒学案》卷二《崇仁学案二》(上册 P37)：“景泰癸酉举于乡，退而读书十余年，始上春官，至杭复返。”《明史》卷二百八十三《娄谅传》(P7263)：“景泰四年举于乡。”

○薛瑄为大理寺卿

【文献】

《国榷》卷三十一(P1964)：“(代宗景泰四年八月)戊申，召南京大理寺卿薛瑄为大理寺卿。”

【相关论著举目】

李安纲：《薛瑄行踪考》，《运城高专学报》，1994年第3期

○王恂卒

【文献】

《明英宗实录》卷二百三十三(P5095):“(景泰四年九月癸酉)国子监祭酒王恂卒。恂,湖广公安县。初名振,后以姓名与中官同,改今名。由宣德五年进士,选改翰林庶吉士。正统四年,除翰林检讨,与修《宣宗皇帝实录》。十三年,考满,升修撰。十四年,升大理寺右寺丞。巡抚贵州。景泰三年,改右春坊右庶子,管国子监司业事。四年升祭酒。未几,得风疾卒。初为庶吉士,时从学与学士杨溥。溥曰:‘吾乡之士,能守孔子四教,文行忠信,王振一人也。’及升祭酒,能布列教条,底子皆顺服不敢违。至是卒。诏遣官致祭,给官舟归其丧。”

○周灏中举,著有《尚书口义》

【文献】

《千顷堂书目》卷一(P20):“周灏《尚书口义》二卷。字秉纯,邵武人。景泰癸酉举人,松江同知。”

○胡居仁问学于吴与弼

【文献】

《明文海》卷三百九十八《胡敬斋传》(P4135):“胡居仁,字叔心,余干梅溪人。颖异有大志,家世业农,至叔心益窘,鹑衣蔬食,若将终身焉。方童年得邻家遗物,还之。尝从于周知准受《春秋》,知无所得,曰:‘学诂止此乎?’及闻吴聘君与弼讲学崇仁,徒步从之游。聘君亟称叹,以为非常人。退而益加充广,尽弃旧学,以斯道自任。”《原刻居业录序》(P1):“敬斋胡先生,讳居仁,字叔心,饶郡余干人也。弱冠时奋志圣贤之学,往游康斋吴先生之门,退而藏修

于家，书无不读，理无不穷，存诸心者不以一时而或息，反诸身者不以一事而或遗。久之，则知益精而守益固，养益裕而得益深矣。”事又见《国琛集》下卷。

【相关论著举目】

冯会明：《胡居仁对程朱理学的传承与创新》，《江淮论坛》，2011年第5期

○蔡清出生

【文献】

《明儒学案》卷四十六《诸儒学案上四》（下册 P393）：“蔡清，字介夫，号虚斋，福之晋江人。孱脆骨立，而警悟绝人，总发尽屈其师。裹粮数百里，从三山林珙学《易》，得其肯綮。成化丁酉乡书第一。又三年，登进士第。授礼部主事。王端毅为冢宰，改吏部。丁母忧。服除，还吏部，转南京文选司郎中，以终养归。起为江西提学副使，为宁庶人所不喜，终不肯轻屈，疏乞致仕。逆瑾乱政，仿蔡京召龟山故事，起南京祭酒，而先生已卒，正德三年十二月也。年五十六。”

【考论】

正德三年蔡清卒，年五十六，逆推生于是年。

○吴与弼见娄谅

【文献】

《胡敬斋集》卷二《芸阁记》（P46）：“上饶娄君克贞，予同门友也。所居东有重屋为燕间讲学之所，每遇有学之士，则延于其间，相与讨论。景泰癸酉冬，吾康斋先生尝登焉，因书‘芸阁’二字以贻之。丙子冬，予从先生往闽，亦登是阁，于此十六载矣。今复访娄君于阁中，极论累日得所未得者甚多，非娄君发明精至，何能然乎？”

景泰五年 甲戌(1454)

○丘濬中进士

【文献】

《明史》卷一百八十一《丘濬传》(P4808):“丘濬,字仲深,琼山人。幼孤,母李氏教之读书,过目成诵。家贫无书,尝走数百里借书,必得乃已。举乡试第一,景泰五年成进士。改庶吉士,授编修。濬既官翰林,见闻益广,尤熟国家典故,以经济自负。”

○易贵中进士,著有《诸经直指》

【文献】

《贵州通志》卷二十八(《四库全书》第572册P70):“易贵,字天爵,宣慰司人,景泰甲戌进士,廷试二甲第二。贵赋性刚正,积学淹通,宦辙所至,崇学校,恤民隐,遇事明而能断,不怵于势利,有古循良风。历官辰州府知府,创礼仪,制乐器,士始知古道,致仕归,闭门校书十余年,卒。著有《竹泉文集》、《诸经直指》诸书。”《明史》卷九十六《艺文志》(P2355):“易贵《诗经直指》十五卷。”《千顷堂书目》卷一(P27):“易贵《诗经直指》十五卷。”《经义考》卷一百十四(P607):“易氏贵《诗经直指》十五卷,佚。”

【考论】

易贵,字天爵,宣慰司人。正统十二年举人,景泰五年进士。历官兵部主事、礼部郎中等。任湖广辰州知府时,崇学校,创礼仪,制乐器,恤民情,革旧习,处事明而能断,不惧权势。致仕后,闭门校书,博通群经,尤长于《易》,著有《易经直指》、《诗经直指》、《竹泉文集》等,均佚。